



Mehanizam za međunarodne krivične sudove ("MMKS" ili "Mehanizam") osnovao je Savjet bezbjednosti Ujedinjenih nacija 22. decembra 2010. da nastavi nadležnosti, prava, obaveze i ključne funkcije Međunarodnog krivičnog suda za Ruandu ("MKSR") i Međunarodnog krivičnog suda za bivšu Jugoslaviju ("MKSJ") nakon okončanja njihovih mandata.

PODACI O PREDMETU

Trenutno je u bjekstvu osam osoba protiv kojih je MKSR podigao optužnice za učešće u genocidu u Ruandi 1994. godine. Mehanizam ima nadležnost nad sljedećom trojicom optuženih: Augustinom Bizimanom, Félicienom Kabugom i Protaisom Mpiranyom. Vlastima u Ruandi proslijeđeni su predmeti protiv preostalih pet bjegunaca: Fulgencea Kayisheme, Charlesa Sikubwabo, Aloysa Ndimbatija, Ryandikayoa i Phénéasa Munyarugame. Još jedan bjegunac čiji je predmet proslijeđen u Ruandu, Ladislas Ntaganzwa, uhapšen je u Kongu 9. decembra 2015.

MICT-13-39

BJEGUNAC - AUGUSTIN BIZIMANA



Od jula 1993. do 17. jula 1994., Augustin Bizimana je bio ministar odbrane u prelaznoj vladi Ruande.

Godina i mjesto rođenja

1954., okrug Gituza, prefektura Byumba, Ruanda

Optužnica

Važeća optužnica podignuta 17. oktobra 2011.

Status predmeta

U bjekstvu od 29. avgusta 1998.

ISTORIJAT POSTUPKA

OPTUŽNICA

Augustin Bizimana je optužen pred MKSR-om za genocid, saučesništvo u genocidu, zločine protiv čovječnosti i teška kršenja zajedničkog člana 3 Ženevskih konvencija i Dodatnog protokola II Ženevskih konvencija, počinjene u Ruandi u periodu od 6. aprila do 17. jula 1994. Tokom tog perioda, Bizimana je bio ministar odbrane Ruande.

Prema navodima optužnice, Bizimana je odgovoran za ubijanje i nanošenje povreda osobama identifikovanim kao Tutsi u prefekturama Kigali Ville i Kigali Rural, kao i u pokrajinama Gitarama, Gisenyi, Ruhengeri, Butare, Kibuye i Cyangugu.

U optužnici se takođe navodi da je, kao ministar odbrane, Bizimana bio na položaju vlasti uslijed kojeg je bio u mogućnosti da pripadnike Oružanih snaga Ruande, *interahamwea*, *impuzamugambija* i drugih militantnih jedinica, kao i civile pripadnike naroda Hutu, koji su upotrebljeni za vršenje zločine ili su učestvovali u njima, primora da izvršavaju njegove naredbe. Navodi se da je Bizimana naredio tim osobama da postupaju na način koji je doveo do toga da počine te zločine ili učestvuju u njima.

U optužnici se navodi da su se tokom tog perioda širom Ruande vodili rasprostranjeni i/ili sistematski napadi na civilno stanovništvo na osnovu njihove etničke pripadnosti Tutsima i na političkim osnovama. Tokom tih napada, neki stanovnici Ruande su lišili života ili nanijeli povrede osobama koje su smatrane Tutsima, političkim protivnicima, osobama povezanim s njima i osobama koje su ih štatile.



Optužnica sadrži sljedeće optužbe:

Jedna tačka za genocid (tačka 1)

Jedna tačka za saučesništvo u genocidu (tačka 2)

Šest tačaka za zločine protiv čovječnosti

- Istrebljivanje (tačka 3)
- Ubistvo (tačka 4)
- Silovanje (tačka 5)
- Mučenje (tačka 6)
- Druga nehumana djela (tačka 7)
- Progon (tačka 8)

Pet tačaka za kršenje zajedničkog člana 3 i Dodatnog protokola II

- Ubistvo (tačka 9)
- Mučenje (tačka 10)
- Silovanje (tačka 11)
- Okrutno postupanje (tačka 12)
- Povrede ličnog dostojanstva (tačka 13)

PRENOS PREDMETA NA MMKS

Dana 1. avgusta 2012., predmetni spis Augustina Bizimanae predat je Tužilaštvu MMKS-a.

Dana 29. aprila 2013., sudija Vagn Joensen, sudija-pojedinac, izdao je nalog za hapšenje i nalog za prebacivanje, kojima se od svih država članica UN-a traži da lociraju, uhapse i prebace Bizimanu u nadležnost ogranka MMKS-a u Arushi, gdje će Bizimana biti pritvoren u Pritvorskoj jedinici UN-a.

U skladu s Rezolucijom Savjeta bezbjednosti 1966 (2010), sve države imaju obavezu da sarađuju s MMKS-om na lociranju, hapšenju, pritvaranju, predaji i prebacivanju optuženih koji su još u bjekstvu.